

2 Pitä **iqu tuwanuä äqäkqe** **Yätamakqä kuknuä** **hinuiqänä iquvi**

Pitä iqu tuwanuä tä äqäkqeutana knuä indqänqä qakui, ämaqä Kraisi Iqueqä yoqätänä iqua, ämotqueqä hñquauqä kuknui, qätä mäwiyqä ipnuwä iunqeyi. Ämotqueqä iinä iqua, huiziuqä quuvqä heqiyqetä, suqä änguitä, qui iwimäkpnqä qanä ikipu ätuäkiqä iqua etanji. Ga ämaqä Jisasi Iqu kuknuä awä tuäkiqäpnqä ändowatkqä iqua, kuknuä iquau ätuminuwä ii, qu a yänänäqnqä kiqätpnqä ätukqe. Ii ipiyitani, qu Goti Iquenyqätä, Naqä Jisasi Kraisi Iquenyqätäni, näqnqä änguanä hipnqäuä. Ämaqä Jisasi Iqu kuknuä awä tuäkiqäpnqä ändowatkqä iqua, iquauqä hinuitä, Jisasi Ique hinuä äqunäpu, Iqu näqnqä motquetqätanji qätä äwiminuwi.

Ämaqä hñqua tiinä ätminuwi. “Jisasi Iqu anqumä mapqä yänqiyä.” Pitä iqu tuwanui, tiinä ätätä äqäkqe. “Naqä-qakuiqä, äpänqiyä.” Iqu maqänä mapqä yänqiyä-qe, kiqä qakui tiinijä. Ämaqä hñqu qui imäknätñqä iinqe, Goti Iqu mäwinqä itä, ämaqä eeqänäni knuä äkunmäkmbñqä iinqe hinuä yqänä äqunä äpmenä.

Pitä iqu, tuwanuä tquenqä kuknuä ätkqenqä

¹ Nyi Saimonä Pitä, Jisasi Kraisi Iqu Iqueqä kukñui awä tuäkiqmqa änändowatqanji, ga nyi Iqueqä wäunjuä-wiyqä-qunä emä, nyi tuwanjuä tä äqiyqä. Ämaqä, Jisasi Kraisi neqä Goti ne Hänä Inequmuatqä Iqu suqä jänänänjä imäkkqetani, quuvqä heqiyqe, neyaqetäni asänänjä ämenuwä iunqä äqiyqä. ² Goti Iquenyqätä, neqä Naqä Jisasi Iquenyqätä, näqñqä ämequwitanji, Goti Hanjuwä Iqu, Iqueqä qeqä imänqeuta hinji vqetä, äwqä hanjuä inqä pmeqetä, aañä kuapänä etapquä.

Goti Iqueqä äwinqä iu pmeñqenqä, yänjä qänqñqä

³ Iqueqä yoqä naqänänjita, Iqueqä yänänäqñqeta, itanğa Iqueqä suqä äñguänänjä suqä huizi du ämäwqätäunqä ita, neñi, tääqä natätmeqanji, ne Iquenyqä näqñqä i enju. Itanji Goti Iqu, Goti eä, ga Iqueqä yänänäqñqä iquesanji, ne hänä äñguä äpmetanä, suqä Iqu äwinyätñqä di imäkatunquä diñqe, Iqu eeqänänji qäyunä änätapkqe. ⁴ Ga Iqu, "Nyaqä yänänäqñqeta, itanğa Nyaqä suqä äñguänänjita, imäqqañqmdi, he suqä qui emäqä qua täutanä hiqä engangqä dunä imäqkä iqueni ätuakñga, suqä, Nyaqä dunä imäqkäpñqeqä" ätkqe. Kukñuä tä, nätmätqä aañä naqänänjä, qui mimäqkäñqä äñguänänjä miqä hui enqä-pa etanji, ique a yänänäqñqä qätätñqä. ⁵ Goti Iqu iinä inemäqkä-qae, he Iquenyqä quuvqä eqiyquwiunji, wäunjuä tnänjä ipu, suqä äñguänänjä suqä huiziquau ämäwqätäunqä iqu itmapñqe. Inji, suqä ique wimetñqe, Goti

Iquenyqä näqñqä eqä iinjce, yänä qänggpñqe. ⁶ Suqä ique wimetñqe, äwqä evauqañgqä iunä mimäkqänqä, yänä qänggpñqe. Iuta suqä ique wimetñqe, hanä-iqä ämepiyä-qe yänänäqñqä tqäuqä iinjä yänä qänggpñqe. Iuta suqä ique wimetñqe, he Goti Iqueqä pmeqä-pa pmeqäjñqä yänä qänggpñqe. ⁷ Iuta suqä ique wimetñqe, he Goti Iqueqä ämaqetä näueqä imäknäpu pmeqä iinjä yänä qänggpñqe. Iuta suqä ique wimetñqe, ämaqeunqä kiinjä enqä iinjä yänä qänggpñqe. ⁸ Suqä tquau ämepu, hiqä äwqä yäpä imñi, naqänänjä emäkqa uwqañgutqe, neqä Naqä Ämäneyqä Jisasi Kraisi Iquenyqä näqñqä eäñuwi, hiñgi qanyinä maeqä, häukuä kuapänänjä-tänäjñqe. ⁹ Mä ämaqä suqä tquau mämeqä ipiyä iqua, qu hiñuä heawiqä enqä-pa, kinänänñi hiñuä mäqunquä danä, Goti Iqu quwqä suqä quvqä qängganä imäkminjuwi, huätä ämuämäutä, asñä äwqiyäümäukqenqe, hui ae imäukuwi. ¹⁰ Iinjä etañgi, ñqä nyämaqäuä, Goti Iqu henj ae tääqä etätmetä, he Iqueqäjñqä atäunjuä etekqä iunqä näqñqä yasämä hepnqe, wäunjuä tnänjä iqäpnqe. He suqä iqua iqäpi, qua iqi mapäkñqä danä ipnä. ¹¹ Iwä i imipqenqe, neqä Naqä Jisasi Kraisi, ne Hänä Inequmuatqä Iqu, ämaqe hea ique-ique miqä iu paquvqenqä, huäjñqä qñqani naqänänjä euteyäniqe.

¹² Nätmatqä eeqänänjä iinjce, “Ii naqä-qakuänänñiqä” hetqañguwitanj, he ae näqñqä eäpu, iu yänänäqñqä tqäutanguwä-qe, nyi knjuä etesätmä, anju-anju hetqämqe. ¹³⁻¹⁴ Neqä Naqä Ämäneyqä Jisasi Kraisi Iqu, nyi täqi änyä-

hänä ti hnganqä mäpmeqä itätmqänä ändkqe. Iwä nyi täqi änyä ti äpmamänğanı, nyi anğumä kñuä etesätmä, hetqämqä di, 'ii änguiqä' kñuä nyqanğiyi. ¹⁵ İnjä etanği nyi hanjuä mäwiqä itmä, i imäkmitmqe, iwä nyi qui imäknmqä-qe, nätmatqä nyi etmitmqä iunqe, he hea ique-ique kñuä meqäpnuwänqe.

Kraisı Iqu yoqä naqä ämakqenqätä, hinjuä-tqä iquauqä kukñuinqätä

¹⁶ Neqä Naqä Ämäneyqä Jisasi Kraisı Iqueqä yänänäqñqä naqänäninqätä, Iqu anğumä päniqñqätä etkque, ne queai hinginä, ämaqä huiuta ämetanä maetqe, Iqu Goti Iqueä yänänäqñqä naqänänı metanği äqunğqenqä, ii etkque. ¹⁷ Goti Apiqu, Iquenı yoqä naqä ävätä, we-hunqä naqänänä hñqu, Iquesa we naqänänä hunätñqä imäkkqä inğanı, Goti Yoqä Naqänänä-tänä Iqu, Jisasi Iquenyqe, tii ätkqe. "Tä Nqä Ymeqä Iquvi. Nyi Iquenyqä kiinjä nyinganği, yeeqä iqänä" ätkqe. ¹⁸ İwä qoqonä Goti Hanjuwä Iqu ii imäkätñqä ätekqä iunı, qäukuä yätuta kukñuä ii Jisasi Iquenyqä tqanğqe, ne Iqutä anä eanä äwikque.

¹⁹ Ne iinjä äqunğque, ii Goti Iqueqä kukñuä hinjuä-tqä iquauä kukñuä dunı, yänänäqñqä imäkqanği, ne quuvqä yänänäqñqä eqiyätqänu. Heawiqä imñi, we äumäkätñqä tä a yänänäqñqä äqätqänuwä-pa, he iquauä kukñui äqätqänuwı, ii aanä anğuanänä eä. Zä hapqä äuwätä, we hunätñqä qätäqueqä iqu, heyaqä qeqä-quuvqä imä we äumäkqanğanqe. ²⁰ İnjä etanği, nätmatqä naqänänı, he näqñqä tiinjä dunqä

hepñqe. Goti Iqueqä kukñuä hiñuä ätkuäwä bukä du äwiñqe, kñuä indqänqetanä, “Kukñuä ii, iinjä-iinjänqä ätnänä-qe” hiñgi matqñqe. ²¹ Ämaqä Goti Iqueqä kukñuä hiñuä-tqe, qu hiñui, äwiñqä kñuä iqä, quwqä duta matqä imiñuwi. Dñä Äñguä Iqu qunji ämitqätanji, ga qu kukñui, Goti Iquesa ämepu, awi i ätmiñuwi.

2

Ämaqä hiñuä quañgä ätäpu, ämotqueqä iquauñqä

¹ Hiñuiqänänñanji, ämaqeüä awä imdanji, ämaqä hiñuä quañgä tqe hñqua inä ätimäumiñuwi. Ga ii enqä-pa, heyaqä awiqisanji, Goti Iqueqä kukñuä duñqe, quañgä ätäpu ämotqueqä hñqua timäupnä. Qu imä zä imäkäpu, kukñuä quañgä heyaqä quuvqä heqiyqä du qui imäkqänqä tñnä. Quwqä Naqä Anqumä Mbqä Imeqä Iquenä-pqe, tuwä äwiyäpu, iwä iinjä dutanji, qui imäkñqä maqänänänji quwqä-quwä maembnä. ² Iwä, ämaqä quuvqä heqiyqä kuapänänji, ämotqueqä iinjä iquauqä suqä quvqä huiwä iqueqä äwiñqä du itqätanquwä iu äqumbiyi, qu-pqe suqä inä imäkpnä. Iwä, iinjä imäkqanquwitani, ämaqä huizi di qu hänaqä naqä-qakuänänjä iquenyqe, kukñuä quvqä tñnuwi. ³ Itanqa quañgä ätäpu ämotqueqä iqua, quwqänä hiätñqä wiñganji, nätmätqä naqänänji hesa quañgä mapnä. Inäqe, Goti Iqu, qu Iqueä hiñuä iqi ätqäupu kukñuä ätäpu, qu mämäwqätäuqä ipnuwänqe,

qänğanä imäkençe. Ga quñi qui imäkäniqä iqu, hiqaqä mäwitçe, hiñuä äqänä äpme.

⁴ Tiiñä äyuwä. Aanjä hiñuiqänänänğanji, Goti Iqueqä enätqä hñqua, suqä quvqä iqanğuwänğa, Iqu qäyä ipñqä hiñuinä mäqunquä itä, huätä ändowatkqe. Iiñä ikqe, Iqu quñi, kukñuä mitqänğanqä, qua hovqä hea naqänänjä wiqä iu guä äpmuatekqe. ⁵ Tii-pqä inäyi. Ämaqä hiñuiqänänänğa, Goti Iquenyqä hma imäkätqätanğuwä iuñi, Iqu hiñuinä mäqunquä itä, quñi eqä metñqä eqä huakä naqänänjä ätnämäutä, ‘Goti Iqueqä hiñuä iqiñi jänänänänä pmapiyä’ ätuätä, awä ätumiñqä Noa iquätä, ämaqä 7 itä, quñi Iqu häñä iqumuatkqe. ⁶ Tii-pqä inä äyuwä. Goti Iqu, “Anjä-himqä Sotomätä, Gomoratäñi, hanä-iqä mayiñqe” ätätä, anjä-himqä iquaqu wätakinä witäniñqä äniqäkqe. Iiñä imäkkqe, ämaqä Goti Iquenyqä hma imäkätqänuwä ii, qu-pqe qui imäkmbnuwä diñqä ämaqe näqñqä meqäpñqä imäkkqe. ⁷⁻⁸ Inäqe, ämaqä jänänänjä Loti iqueni, Iqu huätä itmetä, häñä imäkäqumuatkqe. Sotomä pmeqä iuä awä imä äpmeqe, ämaqä iu pmeqeugä suqeu qänaknä miqä, qokä-apäkiñqänä ii itqätanğuwä iuñi, iqu hea ique-ique hiñuä äqunätä, qätä äwiyätäqetäñi, ämaqä jänänänjä-qu eäqä-qae, qundqändqä itä, äwqä tmi-tmiqä ämamiñqe. ⁹ Neqä Naqä Ämäneyqä Iqu i imiñqenqä, kñuä tii metunque. Ämaqä Ique qänaknä vqä di, qu ämaqä huiziugä suqä duta hanä-iqä yäpä imä pmetanğuwä iuñi, huätä yätumeqänqä

hänäqe, Iqu näqñqä eä. Itanğa ämaqä suqä quvqä iqä dñji, Iqu qñji, kukñuä mitqänğanqä hanä-iqä du mäqumuateqänqä hänaqä-pqe, Iqu näqñqä eä. ¹⁰ Ämaqä suqä kiyä mätqä ipu, Goti Iqueqä ämitñqä du yäpä iqi mäpmeqä imipqä ii, Iqu qñji, hanä-iqä quvqänänjä du mäqumuatequänä.

Ämaqä Goti Iqueä kukñuä iunqä quanğä ätäpu, ämotqueqä iqua, qu zä miqä danä hñgisänä ipu, haqä yätu äpmenuwä iquaunqe, kukñuä quvqä ätäpu äkittqiyätqänä. ¹¹ Mä enätqä yänänäqñqä naqänänjä-tänjä, qñji ämäwqätäunuwä iqua, Naqä Iqueä hiñuä iqisanji, qunqe kukñuä quvqä ätäpu, makittqiyqä itqänjä. ¹² Ämaqä ii, qu suqä, hiveqä-yaqueqä yññä-tänjä enqä-pa, kñuä maeqä, huiwiueqä äwiñqä dunä itqänjä. Nanjuä iuqä känai, ämaqe qu änduämipu päkññqä änyuekqä-panjä iquayi. Nätmatqä qu änyä maqñqä epiyä dunqe, hiñgi kukñuä quvqä dinä ätätqänjä. Iwä Goti Iqu qñji, nanjuä äpäsätqänjuwä-pa, ii päسانیqe. ¹³ Ämaqä du hanä-iqä ävätqänjuwi, ga qu-pqe kimanji hanä-iqä meqänqe. Yeeqä naqänänjä iqänqe, 'ymisanji, hiunji mäptqä naqänğa-pqe inä imäkqäpñqe' kñuä indqänäpu, ii imäkätqänjä. Qu ymisani hesä anä änäpu, ga quanğä etquepiyinqä yeeqä kiinjä ipu, henji kiyä mätqä emäkäpu, heyaqä yoqe, quvqä imäkätqänjä. ¹⁴ Quwqä hiñui, huiziugä apäkä dunä äqumbu, iuatänä iqänqä äqänänjä. Suqä quvqä iu imäkqänqe, dä yqänä ävä.

Ämaqä Jisasi Iquenyqä quuvqe, yänä maqñqä heqiyätqätanguwä iuñi, qäyasäqi ätuma äwätqänä. Qu nätmatqä ämaqeüä dunqä wiñganguñi, iinqä iqänqe, qu ae näqñqä ämenä. Iinqe, Goti Iqu quñi, qui aanä naqänänä imäkäniqñqä ätkqe. ¹⁵ Hänaqä naqä-qakuänänä iuñi tuwä äwiyäpu, Beo iqueqä hikñä Balamä iqu* äukqä-pa, qämä-qämä ipu iu äwätqänä. Mbqänqä wiñganguñi, ga iqu suqä quvqä imäkätäqetanñi mbqä metñqä, suqä quvqe i imäkkqe. ¹⁶ Iqu i iqanqñqñqe, Goti Iqu iquenyqe hoptäwä itä, donñi kukñuä matqä-qe, Balamä iqueqä iqu, ämaqä-kukñuä ätätä, äkäsuwä tqanguñi, hiñuä-tqä iqu, iqueqä suqä quvqä qämä-qämä inqä imäkmätä ikqä iqueni, mimäkkqä ikqe.

¹⁷ Ämaqä äti ii, qu aanä näwinyä quvqä, eqä esquä ye inqä-pa inñi. Itanğa tiwä itäqänğa, qaquvqä yuñuä ämamäutñqä-panä iinñi. Goti Iqu quwqä anñi hea mämanä wiqä imä iqiyäwiyqe.

¹⁸ Ämaqä ii, quwqä qui kukñuä tqä iquenyqe, vänyqä ipu ätätqänä. Ämaqä yäpaqänğisa äpmenuwä Jisasi Iquenyqä quuvqä heqäpñqä änyä äyapquwä iuñi, qokä apäkänqä ipu, qanä hiñgi ikiqä iuñqä kukñui, qeqä äwuttäkatäupu, iuñqä äwqä vqanguwänğa, waqiyä ätuma äwätqänä. ¹⁹ Nätmatqä hñqu ämaqä hñque äminyasäüä ämiwiyätñqä iqu, ämaqä iqu nätmatqä iqueqä-quvi. Iwä, ämaqä äti ii, “He qänakñanñi ne äneyquwi, nätmatqä eeqänänä enqä hiqä dutanä imäkkqäpñqeqä”

* 2:15 A Täuqä 22:5-24:25

ätauätqänuwä-qe, qu quwqä-quwäni, suqä quvqä qui imäkñqä iqueqä äwinqä iunä äpmapu, suqä quvqä iqueqä-quayi. ²⁰ Ämaqä Jisasi Kraisi neqä Naqä Ämineyqä-qu eä, ne anqumä Hähä Inequmuatqä Iquenyqä näqñqä epiyitanj, qu qua täutanä suqä, qui iwimäkätä kiyä iwitmäukqä iunj ämävqätäupqä-qe, qu anqumä suqä asä iunqä äwquwi, suqä iqu qunj äminyasäuä ämiwiyätqe, qu hanjä-iqä naqänänj meqänqe. ²¹ Qu hänaqä jänänänjñqä näqñqä mämeqä hiqe, qu hanjä-iqä wänqäpu meqänqe. Qu hänaqä jänänänjñqä näqñqä ae ämepu, Goti Iqueqä suqä näqñqä ae ämapiyä-qe, iunj tuwä äwiyquwi, hanjä-iqä naqänänj meqänqe. ²² Qu i iquwi, ii kukñuä ktqä tii ätnänqevi. “*Hiveqä kiqä qutai ae ändetqä du, anqumä amanänjqiya,*”† itanğa “*Yaqueqä eqä du ae asñä äqänätqe, anqumä ttakä du inji-ingisa hea qänqäqiyä*” ätnänqe, ii naqä-qakuänänj ätnä.

3

Naqä Iqu anj äpäñqiyä

¹ Nqä näueqä nyi kiinj änyinätñqäuä, tuwanuä hñqu ae äqäkqä, ga tä huizi iqu äqäyqä. Tuwanuä äqäyätmini, kukñui, nätmätqä tiinj dñqä kñuä iqä ängüänänj mapñqä, evauqumuatätmä äqiyqä. ² Goti Iqueqä kukñuä hinuä-tqä iqua, hinuä ätanuwä iunjñqätä, neqä Naqä Ämäneyqä, neñi anqumä Hähä Inequmuatqäqä Iqueä kukñuinqätä, hiqä kñuä iqä imñi, kñuä mapñqä nyinğanji

† 2:22 Quamä-pmeqä 26:11

iyi. Iqueqä kukñui, ämaqä, Iqu kukñuä awä tuäkiqäpñqä ändowatkqä iquauä mañä iuta qätä äwikiwi. ³ Nätmatqä naqänänjä tiinjä iquenyqä, näqñqä yasämä mapñqe. Hiunji yäpakänğanj, ämaqä, ämaqeunqä hänätamqä tqä-qua ätimäupiyi, qänaknäñi huiwä iqueqä äwiñqä du ipu, henyñqä hänätamqä ätäpu, tä säwqä ipu, tii tpnuwi. ⁴ “Iqu, ‘Nyi angumä pmniqeçä’ ätkqe, kiqä häukui äñgi qäyqiyä? Iqu mapqä danä yänqiyä” tpnuwi. “Nätmatqä eeqänänjä atqä-awäka äpmetanquwängga äwämiñqe, ga iinjä qäukuä qua imäkätäqängga enqe, ii yqänä äwinä” tpnuwi. ⁵⁻⁶ Aiñga-aiñğanj, Goti Hanjuwä Iqu kukñuinä, ‘Qäukuä eänä’ tqanji, qäukuä eätä, itanğa Iqu eqä ämetä, qua imäkätä, itanğa quae eqä awä iqi äwätetä, itanğa angumä qänakndanji, “Eqä ätimäunä” tqanji, eqä huakä naqänänjä hñqu, qua täu ätimäutä, qua tquenji qui imäkkqenqe, näqñqä epiyä-qe, qu täwäsi e tpnuwi. ⁷ Itanğa Goti Iqu, “Tä näniñqeçä” ätekqenqä, qäukuitä, quaetä, täñga tä äwiñqä tä, iinjä pñqä äwi. Ämaqä Goti Iquenyqä hma imäkätqänjuwä ii, qu Iqueä hinjuä iqi ätqäupu, kukñuä naqänänjä ätäpu, näwinyä qui imäkmbnuwänğanqä äwi.

⁸ Nqä näueqä nyi kiinjä änyinätñqäuä, qu täwäsi itqätanğppqä-qe, nätmatqä tiinjä iquenyqe, hui imäupi. Naqä Iqueqä hinjuä iqinj, hiunji kiuänänjä hñqutä, quväukuä 1,000täñj, hñqu huitanjä maetqe, qäquaqu asänänji. ⁹ Iinjä etanji, Iqu, “Iinjä timäunqiyä” ätätä guä ämäsäuetñqä-pa, timäutñqenqe,

ämaqä hui, “Iqu hnganqä itqänä” ätätqänuwä-qe, Iqu hnganqä miqä itqäuä. Iqu ämaqä hui qui imäkñqänqe mäwinyätangi, Iqu ämaqä eeqänäñi kñuä äkunmäknäpu, suqä quvqe vquatämäupñqä wiñgangi, maqänäñi mimäkqe, ii itqäuä. ¹⁰ Inäqe, Naqä Iqueqä hiunji iqu, ämaqä quwä-meqä enqä-pa timäunige. Hiunji iqueni, qäukuä iqu häänqä hoaqä naqänänä ätätä, tä änätä, qäpu hiänige. Itanga nätmatqä qäukuä haqä yätu äwäkäwänqe, te eeqänäñi qui imäkänige. Nätmatqä qua täu äwiñqetä, qua iqutäñi, aanqä henige. ¹¹ Nätmatqä eeqänäñi, quinjä di, ii itä imäkänäniqä enqe, he ämaqä, suqä änääqe iqäpñqe? He hiqä häñä-pmeqe, Goti Hanjuwä Ique äväpu, itanga he ämaqä huizi pmetanquwä-pa mäpmeqä, Goti Iqueqä suqä eeqänäñi qänaknä iqäpñqe. ¹² Suqä iinjä imäkäpu, Goti Iqueqä hiunji iquenyqä hiñuä äqämbu äpmapu, hiunji iqu maqänänä timäutñqänä, wäunñuä tnänä iqäpñqe. Hiunji, qäukui te qäpu änätä, itanga nätmatqä qäukuä haqä yätu äwäkäwäñuwi, tä dñi, qänqanqa, eqä nyenige. ¹³ Inäqe, ne Goti Hanjuwä Iqu, “Nyi qäukuitä, quaetä, änyä-hänä imäkmqänä” ätätä guä ämäsäuekqä iunqä hiñuä äqänänä äpmeñu. Anä iu pmapqä ii, suqä jänänänä dunä ipu pmapnuwi.

Naqä Iquenqä hiñuä äqämbu äpmapu, quvqä heqiyqe äñguä mimbñqe

¹⁴ Iwä ñqä-näueqäuä, he nätmatqä ii timäuqänqä hiñuä äqämbu äpmapiyänqani,

he suqä kiyä mätqä hui maeqä, änguänänjä eäpu, Iqutäñi äwqe naqä-hñqunä inqä äyä etanppi mequmueniqä dunqä yänä qänqpnqe. ¹⁵ Naqä Iqu maqänä mimäkqä, hiñuä äqänä äpmeñqänqe, kñuä tiinjä mapñqä. Iqu iinj, ne anqumä häñä inequmuatätñqä dunqä itqäuä. Goti Iqu, neqä tasi-gua kiinjä änenyätñqä Poli iqueni näqñqä vqanqi, ga iqu henyñqä tuwanuä asä ii inä äqäyätñqe. ¹⁶ Iqueqä tuwanuä eeqänänjä iquauñi, iqu tuwanui nätmatqä iinjä ätätä, äyä äqäyätñqe. Tuwanuiunñi, kukñuä hñqua yänänäqñqä etanqä, iquauqä quatinqä näqñqä änä yasämänjä di, maqänä mämeqä äyä itunqe. Inä-qae, ämaqä näqñqä maeqä eäpu, quwqä quuvqä heqiyqäpqe, yänänäqñqä maeqiyqä ipiyä ii, kukñui wänqima näñi-täqi ätätqänä. Inä maetqe, kukñuä, Goti Iqueä kukñuä tuwanuä äqänänqje, äkunmäkätqänuwä-pa iiji. Inä-qae qu näwinyä qui imäkmbnuwi. ¹⁷ Näueqäuä, he iinjä ae näqñqä äyä ämeñuwä-qae, ämaqä, Goti Iqueä kukñuä-suqä dunñi hñqisa iqä iqua, näñi-täqi etuma uwqanqpnqe, hiqä quuvqä heqiyqä yänänäqñqje, mäñdi päwiqñqä änguänä mimbñqe. ¹⁸ Jisasi Kraisi neqä Naqä-qu eä, ne anqumä Häñä Inequmuatqä Iqueyi. He Iquenyqä näqñqä änäänä ämaka äwätqänuwitä, Iqueqä qeqä imänqjeuta hiñgi etapätñqetä, ga iquaquisañi he yänänäqñqä ämaka uwqäpnqe. Täñga-pqä hea ique-iqueni-pqe, Iqueä yoqe naqänänjä äwi. Itanqä ne Iqueä yoqe, haqä yätu matnämäuquatunqe. Ii naqä-qakuä eä, qäyä äpmetänä.

Goti Hanjuwä Iqueqä Kuknui
The New Testament in the Menya language of Papua
New Guinea

Nupela Testamen long tokples Menya long Niugini

copyright © 2017 Wycliffe Bible Translators, Inc.

Language: Menya

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-30

PDF generated using Haiola and XeLaTeX on 21 Feb 2024 from source files dated 31 Aug 2023

b1d968ea-da2d-5306-b214-e238bbf38aac